

Pozdrav vrli puče klanjski
vidin da vas je broj fanjski
pozdrav sin od reda
po starinski - trdo spreda
pozdrav moje dame
za podmažene jame
pozdrav za omačkarane
i se druge otrtrane
po protokolu budi pravo
za općinu edan - ZDRAVO
ma ako ne poprave konto
bit će per la casa pronto
pozdrav za gospodu stranu
ka rada pride va Klanu

meine herren und dammen
majne heren und damen
fuer alle zusammen
fir ale cu zamen
aus Klana viele gruesse
aus Klana file grise
und herzliche kuesse
und herclihe kise

chers messieurs et mesdames
šer mesju et madam
cordial salut je don vam
kordial salut že dan vam
embrasser les main
embrase le man
chaque božji dan
saki božji dan

care signore e signori

kare sinjore e sinjori

dimenticare a dolori

dimentikare a dolori

da Klana molti saluti

da Klana molti saluti

lasciate che pust vi aiuti

lašjate ke pust vi ajuti

dear ladies and gentlemen

dir lejdis end ġentlmen

the pust is now at termen

d pust is nav at termen

from Klana for everybody

from Klana for everibadi

everything kaj mate radi

everiting kaj mate radi

pozdrav opciji livi i desni

dug život koalicii tesni

za se stranke hip-hip-hura

da jin ne požmari pitura

naklon do poda

sin našiga roda

pozdrav za

se lovce i lovice

se dovce i dovice

se zvance i tujce

se strice i ujce

se trdo zadrte

se grdo nažrte

se ki su za sport

i one za eskort

da ne nabrajan dalje

škura noć će valje

Lanjska osuda spada va kraće
ostav je sudac bez plaće
čulo se je jako malo
na enu stranicu da bi stalo
ljudi su teli čut tuga fanj
pred njih prišav je edan panj
dvi beside brže-bolje
za nič više nema volje
kuliko je pozdrav finiv
pust na velo već je dimiv
si su teli ča konkretno
on zmakniv je diskretno
bez kapi srama
pokrila ga tama
ki zna kakov je imev plan
i komu je držav stran
ali opet triba znat
za čitat koraja triba zbrat
ili moraš imet jajca
ili bit brži od zajca
a naš zajac nosi puške
nis ni jast pav z fruške
ma ne glejmo na ono od lani
reć će se kaj je noviga va Klani.

Zajedin smo lani potrelj pusta
počeli agitirat na sa usta
izbori su bili na vrati
saki sakoga mora da prati
da znaš kaj misli oni protiv
i ki se je skon urotiv
na listah je prihajalo i do smjene
bilo je i na usti pjene
bilo je i disidenti
a najviše oponenti

kontriralo se je iz gušta
aš da lista ne more bit jušta
saki da bi storiv bolje
samo triba imet volje
na općinskih listah glasaš za ljude
ma svelih pogledaš kaj ponude
ne baziraš se na stranke
aš su jin istine tanke
bitne da su peršone
ma ke smo mi mone
i si se odreda čude
zač ne more bolje da bude
list je bilo sake vrste
šesne pobrojiš na prste
kandidati sake fele
koda su nas štrige zele
a tek kakovi kursi
brižni i nesigurni resursi
niki su angažirali i mame
nike su obletale same
da se ne zame vrag
obahajav se je saki prag
i tako je šlo do prviga kruga
onda je prišav strah od duga
pa frontaj i blati
da glasač ne shvati
pa puni facebook stranice
i to dosta prik granice
i sada kada se birače pita
saki z oči va nebesa hita
aš čji da je biv glas
kaj se proglasiv za spas
za nikoga nisu glasali ni doma
msec dan je biv koma
sada molitvicu mole
da se vidi kako se vole

*ajmo braćo koalirat
da ne moran abolirat
ajmo braćo glave skup
narod nan je tup i glup
složimo se braćo draga
da ne bude više vruga
storeno je družu sranje
pofukali smo puku znanje
podilimo kaj još mamu
da va stečaj to ne damo
snajdimo se braćo sad
ja ne dilin jako rad*

rezime od izbori glasi
ni ga ki ne oprasi
ma da bude se moralno
zadovoljit ćemo se oralno
a gledat onako banalno
moglo bi se i analno
sada bi bilo od izbori dost
aš prestali su se bost
ma od općine će bit repete
kada si ošiljimo klepete

općina telegram šalje:
pozdrav mačkaran -stop-
čestitke na organizaciji -stop-
na trudu -stop- kurijera -stop-
muzika -stop- sala -stop-
šoldi -stop- pozdrav -stop-
- //-

Niš noviga vavik isto
niš ne nudi ovo misto
se po nazad, nopak skroz
kriv je valjda oni Broz
po nazad gremo kot rak
još malo falit će nan i zrak

sanjamo fešte od harmonike
a pune su nas črne kronike
od njiv do bliznic
i bukovih kraljic
naporan je život naš
bolje da ne znaš
homo na ča veselije
pozabit ćemo prije
zapušćeno je naše polje
za njivu smo bez volje
i kaj na to djat
i ku kulturu tamo sjat
aš i ono kaj zrase
se nan blago popase
gradi semo,gradi tamo
ni sam ne znaš više kamo
lovci lipo pereju ruke
i pušćaju nan ove muke
oni da su pastira dili
tr da smo ga mi razbili
komu ta pastir smeta
ka s'e kroz njega proleta
divljač pohaja po vrtu
aš da ne pozna crt
i tako se va krug
jelen je pasu drug
i si se skupa druž
komu onda puške služe
medvid je bez pardona
brbav spod balkona
ma ako pride još edan put
ali da će jih onda čut
kaj da on tu išće
i va rože drišće
još su se i praseta namutila
ma se onda lopata oglasila

pa onako drito zad ušesa
poslalo se ga na nebesa

- //-

Pust nan je edan premalo
pa se još eniga dodalo
i to nigdi po liti
kada sonce najjače sviti
pa tako blaga hode okoli
doma prideju na pov goli
se je javno nič ni skrito
potrelj fešte na dilo drito
zameš sobu i probličalo
se kaj bi va nesoser stalo
počneš večer za šankon
nastaviš jutro zad bankon
čarlston veštalja va trendu
drugi dan cili pod tendu

- //-

Prišli smo tako i na dentjeru
samo kašu da more za večeru
a kada zdigne kanconu
note su mu na balkonu
čuv je za nikak preparat
po kin da mu neće padat
i kako su sa vrazžja vrimena
zmišala su mu se imena
viagra je prva na pamet pala
a dentjera na komodinu zostala
kakov rezultat je zašav van
čut će se za kakov dan
morda se namisto tuba
zdigneju zub do zuba
ako se z koregu pokokola
morda mu se doli zakola

Kanalizacija zadaje brige
va enu da su hitile i štrige
paron ni biv kumentenat
se je hodilo pod fudamenat
pumpa je mogla samo plitko
spumpalo se je jušto ritko
a kako septička ne pušća
ostala je materija gušća
ma kako ni to dobro zgledalo
z šćapon se dalje bazgalo
pa kako je bazgav i bazgav
ni ni vidiv da je padav
će bog na dosta gusto
a bogami i tusto
a onda su bile potrhanje
za vrnit ga va normalno stanje
moralo se je začepit nos
va kišu mogav je samo bos
na terasi se ga je spiralo
prije nego kaj se ga je diralo
prije nego si ga tev taknit
morav si ga popljahnit

-//-

Dilo naše sakidanje
ratalo si velo sranje
tako je edan smiron govoriv
ki je karijeru po butigah storiv
da mu je dilo stresno
pa da pride va tesno
da popravi stanje
zev je sobu pojačanje
prominili su poziciju
šli su va tranziciju
va lipi svit tuji
ki od našiga još je huji

nabavljali su za feštu
a finili va reštu
stradali su poli frižidera
boravište sada je galera
pa sa onako od nutri
čekaju eno bolje jutri
mlajiga su nego malo vižitali
a starijimu njihovu robu dali
neka malo odstažira
kada vrag mu ne da mira

-//-

nigdi tamo na kraj mista
kadi fini već i cista
kamion se dilo počinit
ni se znalo kako će to finit
prišla je nika raja
zdešvala ga j do kraja
i sa radi tih gnjusi
prodat će se va kusi

-//-

Šav je doma edan dasa
po putu da je uжив pasa
blago ga je pogledalo krivo
zgrabiv ga je ovi onako živo
kaj ma pas njega krivo da gleda
jast ću uvdi storit reda

-//-

Osvaniv plakat na zidu
dobri ljudi dilat naj pridu
prosperitet i dobra plaća
pa i šetimana kraća
a uvjet ki mora bit ispunjen
da si totalno munjen

one kaj su zaposlene tamo
pitale kamo to molbe da damo

-//-

Greš na mašu
mozak na pašu
s prediku fendiš
koda ne tendiš
za na mašu pasaman
a za nazad potpuntan
primjer je lip
dajte nan cip

-//-

Upecav je čovik enu ribu
odagnat je ni mogav ni z šibu
ka se ona njega latila
i po noći ga je pratila
privremeno je šav na fit
kadi se mogav mirno skrit
nju su onda pobrali
i medikamente ji dali
ma opet prihaja kot na med
dit da će ona njega na red

-//-

Va školi puše novi vetar
ma nisu mrdnili ni metar
iz zasjede čeka uprava stara
teli bit i ovi puni nemara
povratak je va planu
moramo samo zbrat si stranu
ma ćeš onda vidit
ki će kadi sidit

-//-

Pilana da je eldorado
niedan neće gori rado
ljude se sa išće
manje jih se stišće
aš da su se pobrali
ki su dilat znali
da bi anulirali defekte
dali su se va projekte
popravit da te primanja
organizirali su i snimanja
išće se kadar stručan
ovi stari da je mučan
edan da je kilav
drugi da ni žilav
tretti pak da neće
vopće da ni sreće
kada prideju si novi
samo će da se movi
ma ka se i ki najde
žali bože nema fajde
brzo se štufaju
i petan vetra daju
moreš mu dit na rep sov
da ni bedast - ma ni vov

-//-

Niku dobu, niku noć
na zahod je tribalo poč
šršur je kroz ulicu nikak biv
niki je pak previše biv živ
kako je bilo vrime od pusta
pozdravila ih je na sa usta
"dobar večer ki se već pobira"
"ne šinjora okna se zapira,
bolje da nas ne gledate
trdimu snu bolje da se predate"
ona je šla brižna nazad leć

a on nastaviv je za nikon teć
pa se je tako po ulici proletalo
enih deset dok se ni ulepetalo
to se je nikudar razvozilo
jutro koda niš ni bilo

-//-

Akcija od općine ozbiljna prva
organiziran je izlov drva
prašća je bilo najviše
prikolica se za kapitalca piše
postoli, šlape i rezervne gume
kompletan šušanj iz dolanje šume
veltrine, kantride i škancije
i se druge drobancije
kanisteri i lugamani
budi bog s nami
va rukah lopata
puna Klana blata
mokri do kože
šundralo je i rože
vela, vela kušnja
pune veture šušnja
s piskon puni vriće
i palji na siće
jezero na polju
nijenimu za volju
kud se ozreš voda samo
na suho stat nimaš kamo
je li do tuga tribalo prit
i rabi li koga poslat vrit
okrivljeno je nepoznato lice
mali pak miša ili ma cice
komisija za sanaciju
okoli fekta donaciju
postupak je va proceduri
komu ni pravo naj se duri

-//-

Općinu pustit ćemo počinit
i po komu drugomu okinit
pa ovako gremo dalje
palit ćemo morat valje
normalan dan nov
sekcija gre va lov
i onda na pov trase
vetura a ne prase
obadvoji se čude
kakove su igre lude
pitanje se postavlja
ili stalno ponavlja
su li prvi trudni zaspali
ili ovi drugi prerano stali
marinje i čakule ne ginu
kada biš tev nič na brzinu

Sakimu petehu da smeta
kada mu se drugi zaleta
a kokoš ne čeka nego čepne
pa ki repne - repne
danas edan, drugi jutri
bitno da je nutri
ma kad edan ostane suh
drugimu tev bi pokvarit njuh
aš da bez krijancije
pasa granicu tolerancije

-//-

Hare hare, rama-rama
jast ne moren biti sama
hare rama, hare hare
davaj pomoć, davaj pare
hare-hare, hare-krišna
ode češpa, ode črišnja

-//-

kada su eni fažov kuhat dili
novu padelu su kupili
o špargetu ni beside
šundrale su se samo vide
pobilit da je ionako rabilo
nema veze kaj se pozabilo
šetala grupa po Parizu
a ni vidila Mona Lisu
mon amy,mon chery
zami sendvič,pa ti seri
vule-vu tase de cafe
kikarica rabi sponde
za jajce naručiš oeuf
kad lupiš stori puf

-//-

Greš va Trst po spežu
naložiš vrićicu težu
do vrha pun drv
bunker se otprv
na brzinu kamo z drvi
najbolje va portun prvi
brzo se je to pohitalo
da se ne bi na pustu čitalo

-//-

općina da ne bi dobivala tužbe
otprit će nike nove službe
gvardiju od breki
komisiju za analizu dreki
biro za nimoću
instituciju za samoću
s tin da te bit i ovi od rada
va borbi protiv smrada
tako je općina bez brig
z lopatami čekat će se snig

tri pahulje po edan
i onda tako cili ćedan
prognoza se prati za vrime
će valja brzo kraj zime
agilni da su jako
ne paše jin dilo sako
aš po liti da te muhe plašit
i divljač po polju strašit

Sa lipo va kolo grete
nimorije finit nete
ostat će nič i za dalje
drugo lito prit će valje
sigurno je da zastare nema
dozvoljena saka je tema
se blatno iz ovih ust
sobu naj zame ovi pust
dozvolu sada moren dat
morete ga lipo važgat

12.02.2018